



Neviim (prophètes) - Ézéchiel

Chapter 8

- 8,1 ויהי בשנה הששית, בששי בחמשה לחדש, אני יושב בביתי, וזקני יהודה יושבים לפני; ותפל עלי שם, יד אדני יהוה.
 8,2 ואראה, והנה דמות כמראה-אש--ממראה מתניו ולמטה, אש; וממתניו ולמעלה, כמראה-זהר כעין החשמלה.
 8,3 וישלח מבניתי, ויקחני בציצת ראשי; ותשא אתי רוח בין-הארץ ובין השמים ותבא אתי ירושלמה כמראות אלהים, אל-פתח שער הפנימית הפונה צפונה, אשר-שם מושב, סמל הקנאה המקנה.
 8,4 והנה-שם--כבוד, אלהי ישראל: כמראה, אשר ראיתי בבקעה.
 8,5 ויאמר אלי--בן-אדם, שא-בא עיניך דרך צפונה; ואשא עיני, דרך צפונה, והנה מצפון לשער המזבח, סמל הקנאה הזה בבאה.
 8,6 ויאמר אלי--בן-אדם, הראה אתה מהם (מה הם) עשים; ותועבות גדלות אשר בית-ישראל עשים פה, לנחקה מעל מקדשי, ועוד תשוב תראה, ותועבות גדלות. {פ}
 8,7 ויבא אתי, אל-פתח הסצר; ואראה, והנה חר-אחד בקיר.
 8,8 ויאמר אלי, בן-אדם חמ-בא בקיר; ואחתר בקיר, והנה פתח אחד. {ס}
 8,9 ויאמר, אלי: בא וראה את-התועבות הרעות, אשר הם עשים פה.
 8,10 ואבוא, ואראה, והנה כל-תבנית רמש ובהמה שקץ, וכל-גלולי בית ישראל--מחקה על-הקיר, סביב סביב.
 8,11 ושבעים איש מזקני בית-ישראל ויאזניהו בן-שפן עמד בתוכם, עמדים לפניהם, ואיש מקטרתו, בידו; ועמר ענן-הקטרת, עלה.
 8,12 ויאמר אלי, הראית בן-אדם, אשר זקני בית-ישראל עשים בחשך, איש בחדרי משכיתו: כי אמרים, אין יהוה ראה אתנו--עזב יהוה, את-הארץ.
 8,13 ויאמר, אלי: עוד תשוב תראה תועבות גדלות, אשר-המה עשים.
 8,14 ויבא אתי, אל-פתח שער בית-יהוה, אשר, אל-הצפונה; והנה-שם הנשים ישובות, מבכות את-התמוז. {ס}
 8,15 ויאמר אלי, הראית בן-אדם; עוד תשוב תראה תועבות, גדלות מאלה.
 8,16 ויבא אתי, אל-סצר בית-יהוה הפנימית, והנה-פתח היכל יהוה בין האולם ובין המזבח, כעשרים וחמשה איש; אחריהם אל-היכל יהוה, ופניהם קדמה, והמה משתחיתם קדמה, לשמש.
 8,17 ויאמר אלי, הראית בן-אדם--הנקל לבית יהודה, מעשות את-התועבות אשר עשו-פה: כי-מלאו את-הארץ חמס, וישבו להכעיסני, והנם שלחים את-הזמורה, אל-אפם.
 8,18 וגם-אני אעשה בחמה, לא-תחוס עיני ולא אחמל; וקראו באזני קול גדול, ולא אשמע אותם.